



REPUBLIKA E KOSOVES / REPUBLIKA KOSOVA / REPUBLIC OF KOSOVO	
AGJENCIA KUNDËR KORUPSIONIT AGENCY AGAINST CORRUPTION	
Dep. DPK/DMP	No Prot. 03-2936/13
Dep. 02	Prot No.
Nr. ifaq	Data 23.09.2013
Uregjistrues	Datum
Nr. pages	Data



REPUBLIKA E KOSOVËS
REPUBLIKA KOSOVA
REPUBLIC OF KOSOVA

KËSHILLI GJYQËSOR I KOSOVËS
SUDSKI SAVET KOSOVA
KOSOVO JUDICIAL COUNCIL

K.nr. 6161/2012

Gjykata Themelore në Mitrovicë-Departamenti i Përgjithshëm-Divizioni i Kundërvajtjes, në procedurën kundërvajtëse kundër të pandehures: Ruzhica Simiqit Mitrovica, për shkak të kundërvajtjes nga neni 9, lidhur me nenet 5 dhe 6 par. 1 pika 1,2, e sanksionuar sipas nenit 17.par.1. pika 1,1 të Ligjit Për Deklarimin,Prejardhjen dhe Kontrollin e Pasurisë së zyrtarëve të lartë publik dhe Deklarimin,Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/,e në bazë të nenit 9,73,74,195 dhe 199 të Ligjit për Kundërvajtjet,me datën 15.03.2013, bjen këtë:

A K T V E N D I M

E pandehura: Ruzhica Bogolub Simiq, e lindur me datën 18.07.1953 vit ne Mitrovice, gjyqtare ne Gjykatën Themelore – Mitrovicë -, Departamenti Per Krime te Renda, nene e 3 /tre/ fëmijëve,ka të kryer Fakultetin Juridik, e gjendjes së mesme ekonomike, e padënuar për kundërvajtje,me vendbanim të përhershëm Mitrovicë rruga “ Filip Vishnjq” nr 10/11.

Ë s h t ë p ë r g j e g j ë s e

Sepse si zyrtare e lartë publike ne Gjykatën Themelore-Mitrovicë-Departamenti per Krime te Renda, nuk e ka bërë deklarinimin e rregullt vjetorë të pasurisë në Agjencinë Kundër Korupcionit të Kosovës për vitin 2012.

- me ç'rast ka bërë kundërvajtje nga neni 8 par.1 lidhur me nenet 5 dhe 6.par.1 pika 1,2 e sanksionuar me nenin 17,parag.1 pika 1,1 të Ligjit Për Deklarimin,Prejardhjen dhe Kontrollin e Pasurisë së zyrtarëve të lartë publik dhe Deklarimin,Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/,andaj në bazë të dispozitave të të njejtij ligj,e në pajtim me dispozitën e nenit 9 të Ligjit për Kundërvajtjet,

D Ë N O H E T

Me gjobë në shumë prej 450.-€ /katërqindpesdhjetëeuro/,të cilën gjobë e pandehura është e obliguar ta paguaj në afat prej 15 ditësh,nga dita e plotëfuqishmërisë së këtij aktvendimi ,në të kundërtën dënimi me gjobë do ti zëvendësohet me dënim me burgim në kohëzgjatje prej 22 ditësh./ **duke llogaritur një ditë burgu 20 €.**

E pandehura është e obliguar që në emër të shpenzimeve të procedurës t'a paguaj shumën paushale prej 5.- (pese) €. tek kjo gjykatë.

Aktvendimi iu dërgohet : të pandehurit dhe kerkesë-dhënësit.

A r s y e t i m

Agjencioni kundër Korrupcionit në Prishtinë,me kërkesën nr.01-2167/12 të datës 04.06.2012 vit.ka propozuar që kundër të pandehures Ruzhica Simiq të fillohet procedura kundërvajtëse për shkak të kundërvajtjes nga neni 8 par.1 lidhur me nenet 5 dhe 6 par. 1 pika 1,2, e sanksionuar sipas nenit 17.par.1. pika 1,1 të Ligjit Për Deklarimin,Prejardhjen dhe Kontrollin e Pasurisë së zyrtarëve të lartë

publik dhe Deklarimin,Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/,të shpallet përgjegjës dhe dënohet sipas ligjit.

E pandehura në procesverbal pranë kësaj gjykate me date 15.03.2013 deklaroi :”Është e vërtetë fakti se jam Gjyqtare prane Gjykates Themelore Mitrovice –ne Departamentin per Krime te Renda dhe jam e emruar si gjyqtare ne krime te renda dhe pasi qe jetoj ne pjesen Veriore te Mitrovices dhe ne kushte shume te veshtira , keshtu qe ne nje rrezikeshmeri shume te madhe prej fqinjeve te mi per shkak te situates politike dhe te sigurise , e kuptoj qe eshte dashur ta paraqese pasurin sipas bazave ligjore por ne pa mundesi nuk kam pasur mundesi qe ti marr formularet me kushte qe ta paraqes kete pasuri qe kerkohet per zyrtaret e larte , me vone kur i kam marr formularet per lajmerimin e pasurise veq ka kaluar afati, pastaj une e ndiej vehten te nevojshme qe ta paraqes por me pa mundesi,deri me tani rregullisht e kam paraqitur dhe me kohe jam pergjigjur Agjencionit Kunder Korrupcionit per veq per vitin 2012 per arsye se kam qene ne Beograd dhe nuk kam qene ketu dhe per kete arsye kam pasur arsye familjare qe kam qene ne Beograd dhe ne fund te gjitha ketyre kerkoj nga kjo gjykate qe te me shqiptoj nje denim me te bute ose te me liroi, keshtu qe i lutem kesaj gjykate qe te marr rrethana lehtesuese ndaj meje .

Me qëllim të vërtetimit dhe konstatimit të drejtë dhe të plotë të gjendjes faktike,gjatë procedurës gjyqtari ka marr si prova te mjaftueshme deklaraten e te pandehures dhe shkresave ne lende.

Gjykata duke vlerësuar mbrojtjen e të pandehures si dhe të dhënat në kërkesë ,konstatoi se e pandehura Ruzhica Simiq , si gjyqtare per krime te renda në Mitrovicë ,nuk e ka bërë deklarimin e rregullt vjetor të pasurisë për vitin 2012,anda gjykata bëri rikualifikimin e kundërvajtjes dhe gjeti se në rastin konkret në veprimet e të pandehures ekzistojnë elementet e kundërvajtjes nga neni 8 par.1,lidhur me nenet 5 dhe 6 par.1.pika 1,2,e sanksionuar sipas nenit 17 par.1,pika 1,1 të Ligjit Për Deklarimin,Prejardhjen dhe Kontrollin e Pasurisë së zyrtarëve të lartë publik dhe Deklarimin,Prejardhjen dhe kontrollin e Dhuratave për të gjithë personat zyrtarë /Ligji nr.04/L-50/,për të cilën kundërvajtje gjykata të pandehuren e shpalli përgjegjëse dhe e dënoj me gjobë në shumë prej 450.-€.

Gjyqtari pas vlerësimit të provave,deklaratës së të pandehures e cila e mohon faktin se ka qenë e informuar nga ana e zyrtarit komunal lidhur me obligimin për plotësimin e formularëve dhe parashtrimin e tyre në Agjencion, nuk e ka bërë një gjë të tillë,nuk ia kushtoi besimin nga fakti se e pandehura nje deklarate të tillë e bëri me qëllim të shmangejes nga pergjegjesia,dhe më tepër besim i kushtoi deklaratës së personit kontaktuse me agjencionin antikorupcion e cili në mënyrë bindëse deklaroi se ua ka shpërndarë informacionin dhe formularin të gjithë personave sipas kërkesës së agjencionit dhe se deklaratën e tillë e konfirmuan edhe zyrtarët tjerë të cilët janë proceduar në këtë gjykatë, për çka edhe e pandehura shpallet përgjegjëse dhe dënohet sikur është përcaktuar në dispozitiv të aktvendimit .

Gjatë caktimit të denimit u morën para syshë rrethanat e parapara me nenin 9 të LK,dhe u kosntatua se ne rastin konkret me kundërvajtje nuk janë shkaktuar pasoja të rënda,ndërsa ekzistojnë rrethana lehtësuese si gjendja ekonomike e të pandehures (realizon të ardhura mujore nga mardhënja e punës në Gjykatën Themelore Mitrovice-Departamenti i Pergjithshem per Krime te Renda ne Mitrovice, në shumë prej 900.- € për nje muaj),është kryefamiljare, nene e 3. fëmijëve ,dhe gjyqtari është i mendimit që edhe më një denim më të butë mundë të arrihet qëllimi i dënimit.

Vendimi mbi shpenzimet e procedurës kundërvajtëse është bërë në bazë të **nenit 109 al. 2** të Ligjit mbi kundërvajtjet.

KËSHILLA JURIDIKE: Kundër këtij aktvendimi është e lejuar **ankesa** në afat prej 8 ditësh prej ditës së marrjes së aktvendimit Gjykatës së Apelit- në Prishtinë Departamenti i Përgjithshëm-Divizioni i Kundërvajtjes , përmes kësaj Gjykate.

U vendos në Gjykatën Themelore në Mitrovicë-Departamenti i Përgjithshëm-Divizioni i Kundërvajtjes , me datën 15.03.2013 K..I.nr.6161/2013.

GJYQTARI
Sabit Pllana

